


KUŴIKIKA MU DINDI

 Ŵadada Ŵakutumbikika Ŵakuchanya, na a—Kuŵapo kwa Mzimu Mutuŵa uko kuli kale muno, ise tikwiza ku Mazgu Ghinu Ghatuŵa. Ndipo nangauli na mazgu ghaheni ghakuyezga kunitondeska, ndipo nkhuwowyoya mazgu mwakuzikitizga waka ndipo nkhuwoneseska umo ine ningachitira, ine nkhuromba urongozgi Winu Wauzimu na kuphakazga kwa Mzimu Mutuŵa kuti kuyende pakati pithu usiku uwu. Ndipo nkhuromba Iyo Mweneuyo ndi wakusangika palipose, nkhuromba kuti Iyo watore Mazgu gha Chiuta na kupereka Ichi ku mtima uliwose, umo ise tikusoŵekera waka. Nkhuromba kuti Iyo watiryeske ise usiku uwu, vinthu viweme vya Chiuta.

² Ndipo usiku uwu, apo ise tikuyowoya pa Mazgu, nkhuromba kuti mitima yithu yiŵe makilomita ghanandi kunjira mu Gologota, uko Yesu wakalipira mtengo wakukwanira-vyose uwo ukakhumbikwanga wa maweruzgo ghakuru gha Chiuta, mu munda wa Eden. Ndipo muhanyauno mphanyi ise timanye kuti ndise ŵakurunjiskika kwaulere na chiwuka Chake, na nyifwa Yake, kusungika, na chiwuka.

³ Ndipo usiku uwu ise tiriso ŵa charu yayi, pakuti ise tagulika na mtengo wa Ndopa zakuzirwa za Mwana wa Chiuta. Ndipo mphanyi ise, na mitima ya yakuwonga, ting'anamukire kwa Imwe usiku uwu, na malingaliro ghose na nkhangono, na icho ise tiri nacho mkati mwithu, na kumutumikirani Imwe na utuŵa, mtima wambura kusakanikirana.

⁴ Perekani usiku uwu, Ŵadada, usange muli ŵanyake muno awo ŵakumumanyani yayi Imwe, mu kugowokereka kwa zakwananga zawo, mphanyi iwo usiku uwu ŵafike mwakujikhizga ku mphinjika, ndipo kula ŵavumbure zakwananga zawo kwa Chiuta uyo ndi murunji, kuti waŵagowokere. Ndipo mphanyi uwu wanguŵa usiku ukuru kwa ise tose. Ise tikuromba ichi mu Zina la Mwana Winu, Fumu Yesu. Amen.

⁵ Sono ise tikumanya kuti palije munyake, mu charu chapasi, uyo ndi wamagomezgeko mwakukwanira kuti wangatora Mazgu gha Chiuta na kughavumbura Igho, chifukwa Mazgu ghali kulembeka mwa ukhuŵirizgi. Mzimu Mutuŵa ndi Mlembi wa Mazgu.

⁶ Ndipo para yumoza wakati wafumbika, Kuchanya, kuti watore Buku na kumasura Vididimizgo, kukaŵavye yumoza wakasangika Kuchanya, nesi mu charu chapasi, nesi kusi kwa charu chapasi, uyo wakaŵa wakwenerera kumasura Vididimizgo, panji nanga nkhulaŵiska pa Buku. Ndipo kukaŵa Mwanamberere Kwenekula uyo wakakomeka kufuma ku

mtendeko wa charu, ndipo Iyo wakiza ndipo wakatora Buku kufuma mu woko la Iyo uyo wakakhala pa Chizumbe, ndipo wakamasura Vididimizgo ndipo wakajura Mazgu.

⁷ Ndipo ise usiku uwu tikugomezga na kudalira mwa Iyo, kuti Iyo wajurenge Mazgu kwa ise, ndipo sono apo ine nkhuwazga mu chipatulo 2 cha Milimo.

⁸ Apo ine nkughapereka, usiku wakudankha ukaŵa *Kwiza Kwachiwiri*, ndipo...kwa Fumu Yesu, pakuŵa pa Chitatu. Ndipo pa Chinayi usiku ukaŵa pa *Sembe Yakukwanira-Vyose*. Ndipo pa Chinkhonde usiku ukaŵa pa *Mphepisko-Yakukwanira-Vyose; Kufikapo*. Kasi imwe mukapulikiska ichi usiku wamara? *Kufikapo*, umo ise tingawira wambura kususkika na wakufikapo mu maso gha Chiuta! Ndipo usiku uwu uli pa *Kuwikika Mu Dindi*. Ndipo machero, *Chiwuka*. umo mazuŵa ghakurondezgerana waka.

⁹ Sono ine ndasankha usiku uwu, kuŵa Lemba lane lakuti tiwazge, kufuma mu Buku la Milimo, chipatulo 2 ndipo mavesi 25, 26, na 27, ghose. Ndipo Ichi chikuwazgika ngati nthaura, Petros wakuyowoya.

David, pakuti David wakayowoya za vya iyo, ine nkhwona Yehova nyengo zose panthazi pane, pakuti iyo wali ku woko lane lamaryero, kuti ine nireke kusunkhunyika:

Ipo mtima wane ukasekerera, ndipo lilime lane likakondwera; kweniso thupi lane lizamkupumura mu chigomezgo:

Chifukwa imwe ntha muzamkuwusida uzima wane mu gehena, nesi imwe muzamkuzomerezga Yumoza Mutuŵa winu kuti wawone chivundi.

¹⁰ Makani ghaweme uli gha usiku uwu, kuti tisange chakuyowoya za Iyo pakuŵa wali mu dindi.

¹¹ Chinthu chakudankha ise tikukhumba kuti tilawiske... tigurire tcheru chinu, ndi kuleka kutondeka kwa Mazgu gha Chiuta. Chiuta wakusunga Mazgu Ghake, ku chilembo. Ndipo usiku uwu ise tikukhumba kuti timangilire maghanoghano ghithu pa icho, kuti Chiuta wakusunga Mazgu Ghake. Ise tingamanya kuŵa na chisimikizgo chirichose icho Chiuta wali kuyowoya mu Mazgu Ghake, kuti ndi Unenesko. Ndipo chipulikano ntha chikuyegamira pa michenga yambura kukhora ya fundo za munthu panji kusambira vyauchiuta kwa munthu, kweni ichi chiri na malo ghake ghaumaliro ghakuyegamirapo pa Jarawe lambura kugwedezgeka la Mazgu Ghamuyirayira gha Chiuta.

¹² Mazgu! Usange Chiuta wayowoya ichi, uwo ndi Unenesko muyirayira. Iyo wangasintha yayi na kuti, "Ine nkhang'anamura ichi yayi." Ine ningamanya kuyowoya vinthu ndipo imwe

mungamanya kuyowoya vinthu, pamanyuma ise tingamanya kusintha ichi, chifukwa ise tikayowoya ichi na kumanya kwithu kuweme chomene na mwakugomezgeka kwithu kuweme chomene. Kweni, nthaura, Chiuta ngwakulekana chomene na ise. Iyo walije mphaka, ipo Iyo nthu wakuyowoya chinthu chimoza pekhapekha ichi ntchakufikapo nadi. Iyo nthu wakwenera kuti wasinthe ichi, nthu wakwenera kuti waphepiske pa icho Iyo wakayowoya. Ichi nyengo zose chikukhalirira, Unenesko.

¹³ Nanga ndi Yesu, mu mazuwa ghakuru agha agho ise tiri mu chikondwerero, para Chiuta wakati wakoma nadi Mwana Wake chifukwa cha zakwananga za charu, chikaŵako panyake virimika masauzandi pambere nanga ndi malufura gha charu ghandazikike. Chiuta wakayowoya Mazgu, ndipo Ichi ndi katundu wakumalizgika Kuchanya para Chiuta wayowoya ichi; ichi chamalizgika kale. O, usange ise tingapulikiska waka icho chira chikung'anamura, ndi ŵanthu ŵakulekana uli ise tingamanya kuŵa! Kuwona mu Mabuku Ghake, maweruzgo agho ghali kulembeka mkati umu ku wamtafu, ichi chingamanya kumupanga munthu kuti wajisande iyomwene, ora na ora; ndipo ichi chingamanya kumupanga murunji kusekerera, ora na ora, kuŵazga vitumbiko ivyo Chiuta wali kulayizga ku wakugomezgeka. Ndipo ise tingamanya kuŵa na chisimikizgo kuti Lizgu lililose lizamkukwaniriskika, tikhozge waka uzima withu pa ichi. Nyengo zose chiri kuŵa mwantheura umo.

¹⁴ Para Chiuta wakayowoya kwa Nowa, kale chomene pambere chindachitike chigumura cha charu; panyake pambere Baibolo likaŵa lindalembeke, panji Baibolo ili, munthowa yiriyose, pambere likaŵa lindalembeke; Chiuta wakamuphalira Nowa kuti kuzamkwiza chimphepo, ndipo maji ghazamkubenerera charu chapasi. Ndipo kwambura chinthu chimoza cha ukaboni kuti ichi chingamanya kuzakachitika, chirichose chakususkana chomene, Nowa wakayenda na wofi, ndipo wakazenga ngaraŵa, wakayinozga iyi. Iyi yikaŵa yakuti waponoskere mbumba yake na iyomwene. Chiuta wakamugongoweska yayi iyo, chifukwa ghakaŵa Mazgu Ghake. Ichi chikayenera kuti chichitike para Chiuta wakayowoya kuti ichi chizamuchitika.

¹⁵ Sono, para Job, Buku lakale chomene mu Baibolo, ilo likalembeke panyake pambere Genesis wakaŵa wandalembeke, ndipo ili likaŵikikamo mu Baibolo. Ndipo Moses wakalemba Genesis. Job, mu Buku lake, iyo wakakhazikika chomene pa phangano ilo Chiuta wakamulayizga iyo. Ndipo iyo wakimilira pafupi na sembe yake yakotcha, kwambura wofi mu mtima wake; kumanya kuti, icho Chiuta wakayowoya, Chiuta wakaŵa wamagomezgeko kuchita. Ndipo para chirichose chikawoneka kuti chikwenda mwakususka, Job wakayima mwakungangamika chifukwa phangano la Chiuta likaŵa lakukhora. Chiuta wakamulayizga Job, ndipo Job wakakhazikika pa phangano lira.

¹⁶ O, usange mpingo ungafika ku malo ghara uko uwu ungakhazikika mwakugomezgeka pa Mazgu Ghamuyirayira gha Chiuta kuti ndi Unenesko! Ndi mphambano uli yingamanya kuŵapo, ndi kususkika uli kungamanya kuŵapo, ndi kupatuskikira kutali uli kungamanya kuŵapo, ndi chimwemwe uli chingamanya kuŵapo, ndi nkhongono uli zingamanya kuŵapo, para ŵanarumi na ŵanakazi ŵangamanya kumutora Chiuta pa uzirwi wa chakulayizgika, icho Iyo wakayowoya ndi Unenesko. Paliye kanthu kwali vyakuchitika vikuwoneka uli, icho chirije chakuchita na ichi. Chiuta wakayowoya nthaura; mbwenu kwamara!

¹⁷ Ndipo Job, para iyo wakaŵa mu nyengo ya kuyezgeka kukuru chomene ya chakumuchitikira chake chose; para iyo wakati wasangika, mu Kuŵapo kwa Chiuta, munthu murunji. Nanga ndi Chiuta wakayowoya kuti iyo wakaŵa wakufikapo. Pakaŵavye wakuyana na iyo mu charu chapasi. Ndipo Satana wakapika mwaŵi wakuti wamuyezge iyo, kuti, “Ine ndimupangiskenge iyo wamutukeni Imwe pa maso Pinu.”

¹⁸ Ndipo iyo pafupifupi nthena wakatora umoyo wa Job, ndipo nthena wakachita ichi, kweni Chiuta wakapanga mzere wa mphaka, wakati, “Iwe ungamanya kuchita chirichose kwa iyo, kweni kutora umoyo wake yayi.”

¹⁹ Nthaura para Job wakati wayima pa kuyezgeka kweneko kwa nyengo yinonono, iyo wakati, “Ine nkhumanya Muwomboli wane ngwamoyo, ndipo pa mazuŵa ghaumaliro Iyo wazamuyimilira pa charu chapasi. Nangauli mphorozi za thupi zingananga thupi ili, kweni mu thupi lane ine ndizamkumuwona Chiuta.” Paliye kanthu kwali kukawoneka kwa mdima uli, na kukayikiska umo ichi chikawonekera, pakaŵa chinyake icho Job wakakhazikiskapo uzima wake, phangano la Chiuta Lamuyirayira. O, usange ise tingachita waka icho! Wonani, iyo wakayegamira pa phangano, “Ine nkhumanya Muwomboli wane ngwamoyo.”

²⁰ Ndipo ine nkhuKhumba kuti imwe muwone, ku mazgu gha kunthazi ine nkhuKhumba kuti ndiyowoye, Job wakaphalira nkhanira malo ghake ghakukamusungako. Ndipo para Job wakati wafwa, iyo wakasungika kwenekula.

²¹ Kukaŵa munthu munyake, zina lake Abraham, uyo wakamutora Chiuta pa Mazgu Ghake. Ndipo iyo wakamugomezga Chiuta. Ndipo iyo wakachema vinthu iyo vikaŵa vyakususkana na phangano ilo Chiuta wakamupa iyo, ngati kuti vikaŵapo yayi. Iyo wakamutora Chiuta pa Mazgu Ghake. Ndipo para mazuŵa ghakati ghajumphu, ndipo masabata na myezi, ndipo nanga ndi virimika vikajumphapo, vira nthu vikamugongoweska Abraham napachoko pose. Baibolo likati, “Iyo wakagwedezgeka yayi, kwizira mu

kuwura kugomezga, pa phangano la Chiuta; kweni wakaŵa wakugomezgeka, kuperekanga marumbo kwa Chiuta.”

²² Para chirichose chikawoneka kuti, dazi lirilose, ichi mwakuphweka chikakulira ku unonono chomene dazi lirilose; kweni m'malo mwakuŵa wakufoka, Job wakaŵa wankhongono dazi lirilose. O, chisimikizgo chakutumbikika uli icho ise tiri nacho! Para unonono ukuwoneka kuti ukukwera kuti upange chinthu, icho Chiuta wali kulayizga, kuŵa chambura machitiko, m'malo mwakuchita wofi, kuwerera mu charu, ise tikwenera kuti tiyime mwakungangamika chomene kuruska umo ise tikayimira kale, pa NTHEURA WAKUTI YEHOVA. Ichi chikwenera kuti chikhazikiske ichi, para Chiuta wayowoya chinyake.

²³ Ndipo Abraham wakachema vinthu vira ivyo vikaŵapo, ngati kuti vikaŵapo yayi, chifukwa vikaŵa vyakususkana na Mazgu. Ndipo para Abraham wakati wataya wakutemweka wake na muwoli, Sara, pakati pajumpha virimika vinandi ŵakukhala pamoza, iyo wakagura malo gha munda kufupi na uko Job wakasungika, ndipo wakasungako Sara. Mukuzizwa chifukwa? Iwo ŵakaŵa ŵaprofeti! Iwo ŵakawona! Iwo ŵakamufumba Chiuta! Ndipo sono para Abraham wakati wafwa, iyo wakasungika pamoza na Sara.

²⁴ Sono, iyo wakakhumba yayi kuti ŵanthu aŵa ŵamupe iyo malo ghara gha munda. Iyo wakagura agha, panthazi pa ŵakaboni. Chilinganizgo chiweme uli cha ubapatizo. Iyo wakagura agha, panthazi pa ŵakaboni, kuti chikaŵa chiharo chake. O, umo ndimo wakugomezga mweneko wakwenera kuti wafikire, nthu kunjira mwakugwegwetera pa kona, kweni kuyimirira panthazi pa ŵakaboni, “Ine ndine kaboni wa Fumu Yesu, na wa Mzimu Mutuŵa, na wa milimo Yake yikuru,” ndipo chomenechomene apo ise tikuwona dazi liheni ili likuneng'enera.

²⁵ Ndipo ntheura para mwana wa Abraham, uyo wakaŵa Isaac, phangano likaŵa lakuti wapaside iyo. Ndipo para Isaac wakati wafwa, iyo wakasungika pamoza na Abraham. Ndipo Isaac wakababa Jacob.

²⁶ Ndipo para Jacob wakati . . . wafwa kusika kula mu Egupto. Kweni wonani, pambere iyo wandafwe, iyo wakayowoya kwa mwana wake muprofeti, Joseph, “Zanga kuno, wamwana, ndipo ŵika woko lako pa chiwuno chane chakupendera.” Pakuti kumbukirani umo iyo wakakupunduzgikira, ndi chifukwa chakuti Mungelo wa Yehova wakakhwaska chiwuno chake, ndipo iyo wakagontha kufuma dazi lira na kunthazi. Iyo wakati, “Ŵika woko lako pa chiwuno chane, ndipo lumbira kwa ine mwa Chiuta wa ŵadada ŵithu, kuti iwe nthu uzamkundisunga ine kusika uku mu Egupto.” Chifukwa? O, iwo ŵakaŵa na Mazgu, iwo ŵakaŵa na uvumbuzi!

27 Ndipo uli ine ndilekezugere apa, kuti ndiyowoye kuti mpingo wa Chiuta wamoyo uli kuzengeka pa uvumbuzi Wauzimu; ntha pa bungwe, mawupu, ntha pa kachitiro ka vigomezgo panji visambizgo, kweni pa Unenesko wauzimu wakuvumbukwa wa Chiuta wamoyo.

28 Abel, mu munda wa Eden, wakaŵa nacho ichi para mpingo ukati wayamba. Kasi iyo wakamanya uli kuti wapereke mwanamberere? Ntchifukwa uli iyo ntha wakapereka chipaso ngati ndiumo Kayini wakachitira? Kweni ichi chikavumbukwa kwa iyo!

29 Yesu nyengo yimoza wakayowoyanga, wakati, “Kasi ŵanthu ŵakuti Ine Mwana wa munthu ndine njani?”

“Ŵanyake ŵakati Iwe ndiwe ‘Moses,’ na ‘Eliya,’ ŵanyake nthaura.”

Iyo wakati, “Kweni kasi imwe mukuti Ine ndine njani?”

30 Imwe wonani, ichi ntha chikuyegamira pa icho munyake wakughanaghana, ndi icho imwe mukumanya kuti ndi Unenesko. “Kasi *imwe* mukuti vichi?” Fumbo lira lingamanya kukumana na waliyose wa ise panthazi pithu usiku uwu, “Kasi imwe mukuti vichi?”

31 Ndipo Petros mwaluŵiro wakazgora, kwambura kugongowa kumoza, wakati, “Imwe ndimwe Khristu, Mwana wa Chiuta wamoyo.”

32 Apo Yesu Uyo wakamanya visisi vya mitima yose, pakuti Iyo ntha wakaŵa munyake kweni Yehova wakawonekera mu thupi, ndipo Iyo wakati, “Wakutumbikika ndiwe, Simon, mwana wa Jonas, pakuti thupi na ndopa ntha vyavumbura ichi kwa iwe, kweni Wadada Wane awo ŵali Kuchanya ŵachita ichi. Ndipo pa jarawe ili Ine ndizengengepo Mpingo Wane, ndipo vipata vya gehena viwutondenge yayi Uwu.”

33 Ndipo ise taŵanthu apo ise tikwiza, ise ŵa Lutera tikukhumba kwenda mwa chipulikano, ise ŵa Methodist tikukhumba kuti tichemerezge kuti tipokere Uwu, imwe ŵa Pentekosite mukukhumba kuyowoya malilime kuti mupokere Uwu, kweni icho ndi makilomita teni miliyoni kufuma ku Uwu.

34 Ndi uvumbuzi Wauzimu wa Fumu Yesu Khristu, Munthu wa Chakulengeka Chake kuwonekera mu mtima, “Pa jarawe ili Ine ndizengengepo Mpingo Wane, ndipo vipata vya gehena viwutondenge yayi Uwu.” Ichi chikukoleranako makora na Mateyu :24, 5:24, panji, Yohane Mutuŵa 5:24, “Uyo mweneuyo wakupulika Mazgu Ghane, ndipo wakugomezga pa Iyo uyo wakandituma Ine, wali na Umoyo wamuyirayira; ndipo wazamkwiza mu kususkika yayi, kweni wajumpha nyifwa wafika ku Umoyo.” Ntha chifukwa chakuti imwe mukaŵa na chakuchitika chinyake, kujijirika kunyake, kweni chifukwa chakuti imwe muli kuŵa na, mwaŵi wakuŵa na Khristu

kuvumbukwa kwa imwe kufuma Kuchanya, “Pa jarawe ili Ine ndizengengepo Mpingo Wane.”

³⁵ Ndipo ntheura, Jacob, para iyo wakati wafwa, mwana wake wakanyamura thupi lake, ndipo iyo wakasungika pamoza na Abraham, Isaac, Sara, na Job, mu Malo Ghatuwa, mu Palestina.

³⁶ Ntheura, Joseph, pakuwa muprofeti. Iyo wakatukuka mu Egupto. Iyo wakamumanya Chiuta. Chiuta wakajivumbura Iyomwene kwa iyo. Ndipo para iyo wakati wafwa, wakati, “Ntha ungasunganga viwangwa vyane kusika kuno, kweni wika...para...Dazi linyake Chiuta wazamkumuyendera nadi imwe!” Chifukwa? Iyo wakayegamira mwakufikapo pa Mazgu gha Chiuta kwa Moses, “Virimika foru handiredi iwo wazamkutumikira fuko ili, kweni Ine ndizamkuwafumiska iwo.” Iyo wakayegamira mwakufikapo pa Mazgu.

³⁷ Ndipo ndi chithuzithuzi chiweme uli apa, usange imwe muwonenge. Muhebere waliyose wakajumphanga kufupi, na msana wake wakutimbika mpaka kusupuka, na wakapitawo wa wazga. Ndipo para iyo wakati wala wiska pa viwangwa vya muprofeti wake, Joseph, iyo wakamanya kuti dazi linyake iwo wazamufuma. Pakuti, viwangwa vira vikalekeka kula kuwa chikumbusko, kuti dazi linyake iwo wazamufuma.

³⁸ Ichi ndi pafupifupi virimika fikitini panji eyitini vyajumpha para Billy Paul, mnyamata muchoko wa pafupifupi virimika vinkhonde vyakubabika, ntha chomene...Ise tika wa na luwa lichoko ise tikarutanga nalo ku dindi la mama wake, pa kufuma kwa zuwa mlenji umoza, pa Isitara, apo zuwa likafumanga waka, kulingizganga; panji pambere zuwa lindafume waka, yika wa ntheura, pamanyuma kurutanga ku chisopo. Ndipo apo ise tikendanga kuruta ku dindi, mnyamata muchoko wakavura chipewa chake apo ise tikasenderera uko mlongosi wake muchoko na mama wake wakasungika. Ndipo iyo wakayamba kwenda mwakugongowa na kulira, ndipo iyo wakati, “Adada, kasi amama wali pasi mula mu khululu lira?”

³⁹ Ine nkhati, “Yayi, wamwana. Iwo wali pasi yayi mula mu khululu lira. Iwo wali makora kujumpha kwandaniska miliyoni kuruska iwe na ine.”

Iyo wakati, “Kasi ine ndizamkuwawonaso amama?”

⁴⁰ Ine nkhati, “Mwa uchizi wa Chiuta, usange iwe ukuchikhumba ichi, iwe ungamanya kuzaka wawonaso iwo.”

Wakati, “Kasi thupi lawo lizamuwuka kufuma mu dindi ili?”

⁴¹ Ine nkhati, “Wakutemweka, jara maso ghako, ndipo ine ndikuphalirenge nkhani yichoko. Virimika mahandiredi ghanandi ghajumpha, mlenji uwu, kuka wa dindi likakhala lamwazi.” Ine nkhati, “Ndi chikumbusko kwa iwo weneawo wakugona tulo mwa Chiuta ndiwo Khristu wazamkuwatora pamoza na Iyo para Iyo wakwiza.” Kwambura muzgezge wa

nkhayiko, ine nkhuyegamira mwakufikapo pa phangano la Chiuta Wamuyirayira!

⁴² Umo Job wakale, para ise tikupulika kuti “vyoto ku vyoto, ndipo fuvu ku fuvu,” ichi chikundikumbuska ine za Longfellow, uyo wakati:

Ntha mungandiphiliranga ine, mu manambala
ghakutengera,
Umoyo ndi loto waka lamwazi!
Ndipo uzima ngwakufwa uwo ukugona tulo,
Ndipo vinthu ntha viri ngati ndiumo
vikuwonekera.

Iyo wakati:

Enya, umoyo wenekoweneko! Umoyo ndi
wenekoweneko!
Ndipo dindi ndicho chirato chake yayi;
Pakuti iwe ndiwe dongo, ku dongo ukuwerera,
Ntha chikayowoyeka za uzima.

⁴³ Iwo wakuchema ichi thupi lauzimu, kuti para ise tikufumapo pano ise tikuruta kumalo kunyakeso. Chirichose chingamanya kuwako, ine nkhutora Mazgu gha mupostoli, para iyo wakati, “Usange kachisi uyu wa charu chapasi panji nyumba iyo tikukhalamo yapankhuka, ise tiri nayo yimoza yikulindizga, kuti tirute kufuma mu iyi tikanjire *mu Yira*.”

⁴⁴ Abraham, Isaac, Jacob, Job, waprofeti wose, iwo wakadalira ndipo wakagomezga kuti kuzamkwiza chiwuka, kuti Muwomboli wizenge. Iwo wakachima za Iyo. Enoki wakachima za Iyo; wakayegamira mwakufikapo, wakadidimizga ukaboni wake na ichi. Isaac, Jacob, Daniel, Yeremiya, Ezekiel, iwo wakayegamira mwakufikapo pa nyengo apo Mesiya wati wizenge.

⁴⁵ Ndipo iwo wakafwa ndipo mauzima ghawo ghakanjira mu Paradiso. Iwo wakaruta mu Kuwapo kwa Chiuta yayi, chifukwa (ise tikaŵa nacho ichi usiku wamara) kuti ndopa za nkhambako na mbuzi nthena zikaŵagowokera yayi zakwananga; izi zikabenekerera waka zakwananga, kuyowoyanga za nyengo apo Sembe yakufikapo; chifukwa ndopa mu chinyama nthena zikawereraso yayi ku wakusopa, pakuti iyo nthena wakareka yayi kupereka sembe za mtundu ula.

⁴⁶ Kweni para Mwana wa Chiuta wakati wafwa, Umoyo uwo ukaŵa mwa Iyo ntha ukaŵa unyake kweni Chiuta, kuti ufikeso na kutikhazikiska ise mu banja la Chiuta. Ndipo sono ise ndise ŵana ŵa Chiuta, Umoyo kufuma mu Ndopa Zake.

⁴⁷ Sono wonani mwaluŵiro, apo ise tikurondezga. Para kale mu Chipangano Chakale, ndipo iwo weneawo wakagomezga ndipo wakamusopa, ndipo wakafwira mu Chipulikano, kulindizganga nyengo yira, chifukwa icho waprofeti ŵara wakachitira icho,

ndipo wakakhumbanga kuti wakasungike mu Palestina, iwo wakamanya kuti chiwuka ntha chizamkuwa mu Egupto. Ichi chizamkuwa mu Palestina, pera.

⁴⁸ Ndicho chifukwa ine nkhuoyoya usiku uwu: Ine ndiri na mitundu yose ya mazina; ine nkhuwera yayi icho wanthu wakundichema ine, icho ntha chikung'anamura kalikose kwa ine. Chinthu chekha pera icho ine nkhuwera kuchita, ntchakuti ndimanye ichi: kuti ine nkhaŵa wakufwa, ndipo umoyo wane wabisika mwa Khristu, kwizira mwa Chiuta, ndipo wadidimizgika na Mzimu Mutuwa; kuti para Iyo wakuchema kufuma pakati pa wakufwa, ine ndizamkuzgora pa dazi lira. Ndisungeni ine mwa Khristu, pakuti iwo weneawo wali mwa Khristu ndiwo Chiuta wazamkuwatora pamoza na Iyo pa dazi lira.

⁴⁹ Kasi ise tikunjira uli mwa Khristu? 1 Wakorinte 12:13, "Na Mzimu umoza ise tose tikubapatizikira mu Thupi limoza, ndipo tikuzgoka wenekokaya wa Ufumu wa Chiuta." Ise tikuyowoya kuti ndise wamwenda nthowa na walendo pa charu chapasi ichi, munthowa yiriyose, ntha tikupenja vinthu ivi vya charu, kweni tikulindizga kwiza kwa Fumu yakutumbikika kuti yizakatore ulamuliro wa charu, kufuma ku nyanja kufika ku nyanja yambura malire, para Iyo wakwiza mu uchindami Wake. Nadi, ise tikulindizga Kwiza Kwake.

⁵⁰ Ndipo ntheura kwambura nkhaiyiko mu malingaliro ghane, kweni chira ndicho Yesu wakaŵa nacho mu malingaliro Ghake para Iyo wakaŵa pano pa charu chapasi, wakaŵa Mazgu ghara Ghamuyirayira gha Chiuta ghambura kutondeka. Pakuti, ise tikumanya kuti mwa Iyo mukaŵa uzari wose wa Uchiuta Muthupi. Uchiuta wose ukaŵa mwa Iyo. Iyo wakaŵa vyose Dada, Mwana, na Mzimu Mutuwa, kweni wakakhala mu mawonekero gha munthu; thupi lauzimu la Chiuta, chikozgo chikuru cha Chiuta icho Iyo wakalengeramo munthu, pamanyuma wakamuwika iyo mu charu chapasi. Iyo wakaŵa na thupi. Chiuta ntha waliko kwambura thupi. Chiuta wali na thupi, ndipo ili likuwoneka ngati munthu. Moses wakaliwona ili, wanyake wakaliwona ili, ndipo ili likuwoneka ngati munthu.

⁵¹ Ndipo ili ndi lingaliro waka, *ichi* ndi, la icho Chira chiri. Ndipo chirichose pa charu chapasi, kutowa, uweme, kutowa kwa charu chapasi, ntchinyake yayi mu charu kweni zgoro ku chiweme chomene kuruska icho, icho chikutilindilira ise para ise tikufumamo mu charu ichi. Pakuti, chirichose mu charu chapasi ndi chilinganizgo waka cha icho chiri Kuchanya. Chirichose icho ntchiweme, chirichose icho ntchaurunji, chirichose icho ntchakutowa, makuni, tuyuni, chirichose, ndi chilinganizgo waka cha icho chiri Kuchanya.

⁵² Umoyo withu taŵene ndi chilinganizgo waka. Uwu ndi muzgezge waka, ndipo nthā chinthu cheneko. Uwu ndi gawo la chenekocheneko. Chikutorera nyifwa kuti yipange chithuzithuzi, kuti yitiŵikeso ise mu thupi lauzimu uko ise tikafuma. Ntheura mu chiwuka ise tikuŵa mu chilinganizgo Chake, thupi lakuwuskika. Chakutowa uli; kutowa pera yayi, kweni ichi ndi chenekocheneko, Unenesko wakufikapo wa Mazgu Ghamuyirayira gha Chiuta, kuti ise tizamkuŵa ngati Iyo.

⁵³ Wonani sono, Yesu, kupika mazaza ghose gha Chiuta, kweni, para Iyo wakati wakumana na Satana, Iyo nthā wakagwiriskapo ntchito nkhangono Zake zirizose. Iyo wakamuphalira waka Mazgu! Iyo wakachita. Iyo wakati, “Kuli kulembeka, ‘Munthu nthā wakhalenge wamoyo na chingwa pera, kweni na Lizgu lirilose ilo likufuma mu mlomo wa Chiuta.’”

⁵⁴ Ntheura kasi imwe mungayowoya uli kuti imwe mungamanya kukhala kunyumba na kuŵa waka Mukhristu muweme umo imwe mungamanya kuŵira ku tchalitchi? Imwe mungachita yayi ichi. Wazgani Mazgu! Mzimu Mutuŵa wakurya Mazgu. Baibolo ndi chakurya chauzimu cha Chiuta ku Mpingo Wake. Ndipo Mzimu Mutuŵa ndi Mweneuyo wakupereka Ichi kwa imwe ndipo wakuŵika Ichi mu mtima winu, ndipo na viwongo imwe mukuthilira Ichi. Ndipo phangano lirilose Lauzimu lipambikenge nkhanira ndendende icho Chiuta wakayowoya kuti ili lizamuchita. Ili likwenera kuchita. Ili ndi Mazgu Ghake, ndipo Ili ndi Umoyo.

⁵⁵ Sono, ine nanguruwa kuti ine nanguyenera kuŵa waka na hafu wa ora. Chikunditorera ine nyengo yitali chomene kuti ndifike ku icho ine nkhuKhumba kuti ndiyowoye.

⁵⁶ Kweni muwoneni Yesu mu ora laumaliro, panji ghaŵiri, la umoyo Wake, ghanandi, mauchimi ghanandi ghakakwaniriskika.

⁵⁷ Munyake wakayowoya kwa ine, “M’bale Branham, *ichi* chikwenera kuti chichitike, ndipo *icho* chikwenera kuti chichitike.”

Ine nkhati, “Ichi chingamanya kuchitika mu ora limoza.”

⁵⁸ Usange imwe muŵazgenge Masalmo 22, ndipo pamanyuma muwone ora Lake lakufwira pa mphinjika, ine naruwa waka sono kasi ndi mauchimi ghalinga ghakakwaniriskika mu maora ghaŵiri ghaumaliro panji maora ghatatu gha umoyo Wake! Nadi, “Iwo ŵakavotora marundi Ghane na mawoko Ghane. Chiuta Wane, Chiuta Wane, kasi Imwe mwandisidirachi Ine?” na ghanayake ntheura, umo David wakachemerezgera ichi.

⁵⁹ Ndipo ntheura chinthu chinyake icho ine nkhuKhumba kuti imwe muwone, Unenesko, gawo lambura kutondeka la Mazgu gha Chiuta. Baibolo likati, “Iyo wakusunga viwangwa Vyake vyose, nthā chimoza cha ivyo ntchakusweka.” Pakuti mu

chithuzithuzi, mwanamberere wa pasaka wakaŵa chithuzithuzi cha ichi. Mwanamberere wakwenera kuŵa wambura kalema, nthā mukwenera kuŵa viwangwa vyakusweka mu mwanamberere. Ndipo pa ora apo Iyo...Iyo wakafwa, iwo ŵakaruta kuti ŵakaphyore marundi Ghake na nyondo. Ndipo pambere waka...Laŵiskani pa nyengo yakofya yira! Mwanarumi yura na nyondo, wanozgeka kuti watchaye marundi Ghake, kweni Mazgu gha Chiuta ghakati, “Ntha chizamkuŵako chiwangwa chimoza chakusweka mu thupi Lake.”

“Kasi ichi chichitenge uli?” Ise tikwenera kuti tifulumire.

⁶⁰ Mazgu gha Chiuta ndi Ghamuyirayira! Usange Mazgu gha Chiuta ngakufikapo nthēura, iwo ŵeneawo ŵali mwa Khristu ŵali waka na chisimikizgo waka kuti ŵazamuwuka ngati ndiumo chiliriko chiwuka. Chiuta ndi wakukakamizgika waka ku Mazgu Ghake, kuti wamuchizgeni imwe, umo Iyo waliri kuti wamuponoskeni imwe. Pakuti, Iyo, ichi ndi Mazgu Ghake agho ghakalayizga ichi. Ndi Mazgu gha Chiuta, ndipo ise tirije mazaza kufumiskako ku Ichi. Kweni yowoyani waka, “Ichi ndi Unenesko.” Gomezgani Ichi! Palije kanthu kwali pakuchitika vichi, gomezgani Ichi, munthowa yiriyose. Umo ndimo ŵanyake wose ŵakagomezgera Ichi, ndipo ise nthā tikukanizgika ku icho. Chiuta wakapereka Palestina ku Israel, kweni iwo ŵakwenera kuti ŵarwire mtunda uliwose wa malo agho iwo ŵakatora. Phangano ndinu, kweni imwe mukwenera kuti murwire mtunda uliwose uwo mukuti ngwinu; devulu wakhalenge chete yayi, nadi iyo wachitenge.

⁶¹ Kweni wonani para iwo ŵakati ŵanozgeka kuti ŵaswe marundi gha Fumu yithu Yesu, usange nyondo yira yikatchayenge rundi na kuswa ili, Chiuta nthēna wakasangika kuŵa mutesi. Kweni mukaŵavye viŵanda vyakukwanira mu utombozgi wose wa mdima kuti vizomerezge nyondo yira kuti yitchaye thupi lira lakuzirwa. Pakuti David, virimika eyiti handiredi pambere chira chindachitike, wakati, “Ntha chizamkuŵako chiwangwa chimoza chizamkusweka mu thupi Lake.” Mazgu gha Chiuta ghakwenera kukhalirira Ghaneneska.

⁶² Kweni kasi iwo ŵakachita vichi pamanyuma? Iwo ŵakatora mkondo ndipo ŵakanjizga uwu kulwandi Kwake, ndipo Ndopa na maji vikafuma, kuti chikwaniriskike icho Baibolo likayowoya, “Iwo ŵakavotora mawoko Ghane na kulwandi Kwane.” Mazgu ghakakwaniriskika.

⁶³ Sono para Iyo wakafwanga, o, likaŵa ora lakofya uli! Ine nkughanaghana za sumu yira, ndipo, mu unenesko, iyi yikundipangiska waka ine kupulika wofi, para ine nkughanaghana sumu yira iyo mlembi wakalemba virimika vinandi vyajumphā:

Mkatikati mwa mawe ghakusweka na
mitambo ya mdima,
Muponoski wane wakasindamiska mutu Wake
ndipo wakafwa.
Chisalu chakubenuka chikavumbura nthowa
Kuruta ku vimwemwe vya Kuchanya na dazi
lambula kumara.

⁶⁴ Ndipo para Iyo wakalenderanga kula, kusuluranga ndopa na kufwanga, para Iyo wakati wasindamiska mutu Wake, zuŵa likachita soni ilolene, kuti lilaŵiske pasi pa vilengiwa vyamathupi ivyo Chiuta wakalenga mu chikozgo Chake, ŵakenera kuti nthena ŵakalipira mtengo wantheura ngati ula kuti ŵawombore ichi, zuŵa likakana kulaŵiska pa charu chapasi mu ora lira. Mwezi ukachita soni chomene mpaka uwu ukafumapo pa malo ghake. Ndipo nyenyezi zikarazgira msana wawo ku charu chapasi. Ndi chinthu chakofya uli icho kwananga kukwenera kuŵa! Umo Chiuta wakachitira na ichi!

⁶⁵ Ndipo kuwona ŵasofi ŵara ŵakanyozanga, wali na mata ku maso Kwake. Mwanarumi wakamutumba Iyo pa mutu, na thete, ndipo wakati, “Usange Iwe ndiwe Muprofeti, tiphalire ise uyo wakutumba Iwe.” Yumoza wa iwo wakazgura mwembe ku chisko Chake, ndipo wakamutumba Iyo ku maso, ndipo wakakhumbanga kuti Iyo wajivwire Iyomwene.

⁶⁶ Iyo wakati, “Usange Ufumu Wane ukaŵa wa charu ichi, Ine mwaluŵiro mbwenu nichemenge Ŵadada Ŵane, Iwo mbwenu ŵanditumirenga Ine magulu thweluvu gha Ŵangelo.”

⁶⁷ Ichi nthena chikasinthika, kweni kasi Iyo nthena wakachita uli ichi? Iyo wakachita yayi ichi, pakuti ŵakaŵa ŵana Ŵake yekha kuliriranga Ndopa Zake. Kasi imwe mungalingalira dada, wiskewo, na ŵana ŵake yekha (mu mdima) kuliriranga ndopa za dada wawo? Ndicho chifukwa Iyo wakachita chirichose yayi kweni kufwa. Usange Iyo wakafwenge yayi, uwu ukaŵa umaliro ku ŵana Ŵake, uwu ukaŵa umaliro ku vilengiwa. Kweni Iyo wakenera kuti wafwe, kuti waponoske ŵanthu Wake.

⁶⁸ Ndipo para Iyo wakati wafwa, para Iyo wakati wasindamiska mutu Wake, msasa wakale uwu uwo ukenera kuti manjenje ghakayenda ku msana wake. Uwuwu ukwenera kuti ukaŵa na kuŵerama kwachitima, pakuti Baibolo likayowoya kuti “charu chose chapasi, kufuma ku ora la sikisi kufika ora la nambala nayini, kukaŵa mdima, ukabenekerera charu chose chapasi.” Ndipo charu chikagwedezgeka, ndipo malibwe ghakasweka. Ndipo chisalu cha m’tempile chikaparuka kufuma pachanya kufika pasi; mathebulo ghakuperekerapo sembe ghakagadabuka. Mwana wa Chiuta wamoyo wakafwa. Iyo wakafwa nadi mpaka zuŵa likamanya ichi. Iyo wakafwa nadi mpaka mwezi ukamanya ichi. Iyo wakafwa nadi mpaka nyenyezi zikamanya ichi. Iyo wakafwa nadi mpaka charu

chikamanya ichi. Iyo wakafwa nadi mpaka vinthu vikamanya ichi, milengalenga yikamanya ichi. Chirichose chikenera kumanya kuti yura wakaŵa Mwana wa Chiuta! Pakuti, Mazgu gha Chiuta ghakatondeka yayi, Iyo wakalayizgika, kufuma ku munda wa Eden, “Mbewu iyo yizamkupweteka mutu wa serepente.”

69 Sono kasi kukachitikachi kwa Iyo? Kasi Iyo wakaruta nkhu para Iyo wakati wafumapo pa mphinjika ndipo wakanjira mu dindi la Joseph wa ku Arimatiya?

70 Iyo wakaŵa mukavu chomene kuti Iyo wakaŵavaye malo kuti waŵikepo mutu Wake. Iyo wakababikira mu chakuryeramo viweto, na zina lifipa kumanyuma Kwake, ngati “mwana wapathengere.” Iyo wakasekeka, wakahoyeka, wakasinjurika, mu charu chapasi. Iyo wakahoyeka, ndipo wakakanika. Ndipo para Iyo wakati wafwa, Iyo wakafwa nyifwa ya kuchita kukomeka, pakatikati pa ŵankhungu ŵaŵiri. Ndipo wakaŵavaye nanga ndi malo ghakuti ŵamuŵikepo Iyo, ndipo Iyo wakaŵikika mu dindi la munthu munyake. Chiuta mweneyura wa Kuchanya kwizanga ku charu chapasi! Kasi ise tikughanaghana kuti ndise anjani, kuti tikwenera kuti tiyendere mu kanyengo kachoko kakusuzgika? Icho Iyo wakatichitira ise! Ghanaghana za ichi, mubwezi, sambira ichi.

71 Msirikali wa Chiroma wakati, “Nadidi, uyo ndi Mwana wa Chiuta.” Wakwananga wakamanya ichi. Yudasi wakati, “Ine nayendera mphiska Ndopa zambura kwananga.” Iyo wakenera kuchimanya ichi. Charu chose chikamanya ichi.

72 Ntheura kasi Iyo wakaruta nkhu? Para munthu wafwa, kasi yira yikumarizga uwu? Yayi, bwana. Iyo wakenera kuti wafwe munthowa yira chifukwa Baibolo la Chiuta likayowoya kuti Iyo wazamkufwa munthowa yira. Ndipo Iyo wakagomezga Mazgu gha Chiuta. Ndicho chifukwa Iyo wakayowoya, mu umoyo Wake, “Bwangandulani tempile ili, ndipo Ine ndiliwuskenge ili mu mazuŵa ghatatu.”

73 Pakuti David wakayowoya, mu malo ghamoza, pera, mu Baibolo, pasi pa ukhuŵirizgi, para David, munthu wa Chiuta, muprofeti uyo wakaphakazgika na Mazgu, wakati, “Ine ndizomerezgenge yayi Yumoza Mutuŵa Wane kuti wawone chivundi, nesi Ine kuwusida uzima Wake mu gehena.”

74 Yesu wakati, “Imwe bwangandulani thupi ili, ndipo Ine ndiliwuskenge ili mu mazuŵa ghatatu.” Iyo wakamanya kuti Mazgu gha Chiuta ghangatondeka yayi. O, mwe!

75 Usange Iyo wakayegamira mwakufikapo pa icho, kugomezganga kuti Mazgu gha Chiuta ghangatondeka yayi, kasi ise tiyegamirenge chomene uli mwakufikapo kuti ise tiri kubabikaso na Mzimu Mutuŵa, ndipo Uwu ukuchitira ukaboni mu mtima withu sono nthena kuti ise tikumanya kuti Muwomboli withu ngwamoyo ndipo wazamkwizaso dazi

linyake. Kuŵa na chisimikizgo kuti iwo ŵeneawo ŵali mwa Khristu ndiwo Chiuta wazamkutora pamoza na Iyo! Sono wonani.

⁷⁶ Iyo wakaŵa apo. Iyo wakamanya kuti nthā kachiduswa kamoza ka thupi lira kangamanya kuvunda. Maora sevente-thu, chivundi chikwamba. Ndicho chifukwa Iyo nthā wakakhalamo mazuŵa ghatatu. Iyo wakafwa pa Chinkhonde kumuhanya, wakauka pa Sabata mlenji. Kweni, mukaŵa mkatikati mu mazuŵa ghatatu ghara. Mkatikati mu mazuŵa ghatatu ghara Iyo wakenera kuti wawukeso, chifukwa Iyo wakagomezga Mazgu gha Chiuta.

⁷⁷ Uku Iyo wakuruta! Kasi Iyo wakayima nkhu para Iyo wakati wanyamuka? Baibolo likati, “Iyo wakakwera kuchanya. Iyo wakaruta ndipo wakapharazga ku mauzima agho ghakaŵa mu ndende, agho ghakarapa yayi mu kuzizipizga kwa nyengo yitali mu mazuŵa gha Nowa.” Uzima wake, Mzimu Wake, thupi Lake lauzimu la chakulengeka Chake Yekha, likaruta pasi. Tiyeni timurondezge Iyo. Kasi imwe mungatemwa, usiku uwu, kuti timurondezge Iyo maminiti ghachoko? Tiyeni tiwone uko Iyo wakaruta.

⁷⁸ Kusi waka kujumpha dera la ŵanthu vyachivundi kuli dera la nkhangono ya mademon; kusi kwa lira . . . pachanya waka pa lira pali mauzima gha ŵaheni; kusi kwa ili kuli malo gheneko gha Satana, gehena. Ntheura pachanya waka pithu pali Mzimu Mutuŵa; ntheura kusi kwa Guwa kuli mauzima gha ŵanthu ŵarunji; kwakurondezgako kuli Chiuta Iyomwene. Ghamoza ghakurazga pasi, ghamoza ghakurazga kuchanya; mizimu yiŵiri yiri pano pa charu chapasi, kuperekanga chikoka ku ŵanthu ŵa charu ichi.

⁷⁹ Ndipo para Yesu wakati wafwa, Iyo wakukwera kuchanya, pasi kula. Ine nkhumanya kumuwona Iyo pa Chinkhonde kumuhanya kula, pamanyuma pa nyifwa Yake, [M’bale Branham wakutimba pa gome—Munozgi] wakukhung’uska pa chijaro ku dera la ŵakutayika. Tiyeni timurondezge Iyo miniti pera. Chijaro chikujurika. Mukaŵa ŵanakazi, mukaŵa ŵanarumi, mukaŵa madona ghanichi, mukaŵa ŵalara, iwo wose ŵakaŵa pamoza mu malo ghakofya ghara ghakachemeka ndende ya mauzima ghakutayika.

⁸⁰ Usange ine nkhaŵenge na nyengo, ine nkhekumba kuti ndimuphalireni imwe. Ndipo iyi panji yingaŵa waka mboniwoni. Kweni nyengo yimoza ine nkharutako ku malo ghara, ndipo nkhalirira lusungu, para ine nkhaŵa wakwananga nkhapangikanga opareshoni. Para ine nkhati nauka, ine nkhayimirira Kuzabwe, na mawoko ghane muchanya kurazga Kuchanya, ndipo mphinjika yikaŵaranga pa ine.

⁸¹ Kweni mu malo ghakutengera kula, Yesu wakiza ku muryango. Chirichose chikenera kuchitira ukaboni kuti Iyo

wakaŵa Mwana wa Chiuta, chifukwa iwo ŵakapharazgikira mu kuzizipizga kukuru mu mazuŵa gha Nowa. Wakukhung'uska pa chijaro, Iyo wakati, "Ine ndine Iyo Uyo Enoki wakayowoyanga. Ine ndine Mbewu ya mwanakazi, uyo wakenera kupweteka mutu wa serpente. Lizgu lililose la Chiuta lakwaniriskika; Ine nafwa waka kula pa Gologota, ndipo Ine nagula Mpingo Wane. Ndipo Yumoza uyo Enoki wakayowoyanga, Ine ndine Iyo." Ndipo iwo ŵakaŵavye lusungu, ŵakaŵavye chigomezgo, chifukwa iwo ŵakananga. Ndipo chijaro chikajarika mu maso ghawo.

⁸² Wakarutirira wakanjira ku dera la mademone! Wakarutirira wakafika ku vipata vyeneko vya gehena! Iyo wakukhung'uska pa chijaro. [M'bale Branham wakutchaya pa gome—Munozgi]

⁸³ Apa sono ndi para Iyo wakaŵa mu dindi, thupi Lake, kulindizganga chiwuka. Iyo wakaruta ku malo uko ŵarunji na ŵaheni ŵakuruta; uko imwe muzamuruta limoza la mazuŵa agha, ku ghamoza panji malo ghanyake.

⁸⁴ Ndipo Iyo wakukhung'uska pa chijaro cha gehena. [M'bale Branham wakutimba pa gome—Munozgi] Ndipo, para Iyo wakati wachita, devulu wakufuma. Ndipo ine nkhumanya kumupulika iyo wakuti, "O, so paumaliro Iwe wafika. Ine nkhanghanaghana kuti ine nkhakukora Iwe para ine nkhati ndakoma Abel."

⁸⁵ Imwe wonani, para Mbewu yira yikati yalayizgika mu munda wa Eden, devulu rutaruta wali kuyezga kuti wayiparanye Mbewu yira. Ndipo nyifwa ya Abel, na kwiza kwa Seti, vikaŵa waka nyifwa, kusungika, na chiwuka cha Khristu. Mbewu yira yikwenera kurutirira. Ndipo iyo wakayezga kuparanya Iyi.

⁸⁶ Iyo wakati, "Ine nkhanghanaghana kuti Ine nkhususanga Iwe para ine nkakoma Abel. Ine nkhanghanaghana kuti Ine nkhususanga Iwe para ine nkakoma ŵaprofeti. Ine nkhaŵa na chisimikizgo kuti ine nkhakukora Iwe para ine nkhadumura mutu wa Yohane. Kweni sono, nakwenenako, Iwe wafika. Ine ndakusanga Iwe sono." O, mwe!

⁸⁷ Ine nkhumanya kumupulika Iyo wakuti, "Satana, zanga kuno!" Iyo ndi Bwana sono. Wakunyoroska, wakupoka kiyi yura wa nyifwa na gehena kulwandi kwake, wakamuŵika uyu kulwandi Kwake Yekha. "Ine nkhuumba kuti ndikuphalire nkhanira iwe. Iwe uli kuŵa nyenga kwa nyengo yitali chomene. Ine ndine Mwana wakubabika na mwali wa Chiuta wamoyo. Ndopa Zane zichali na chinyezi pa mphinjika, ndipo ngongole yose yalipirika! Iwe ulije maufulu ghalighose. Iwe wasangika. Ndipase Ine makiyi agho!" Uwo mbunenesko. Wakung'anamuka ndipo wakumupa iyo chibakera chikuru, ndipo wakutchayiska chijaro pamoza, na kuti, "Khalanga mwenemumo! Ine ndine Bwana kufuma sono na kunthazi."

⁸⁸ Sono, Iyo wakaŵavye makiyi gha ku Ufumu, chifukwa Iyo wakapereka agha kwa Petros; ise tichitorenge chose icho mlenji, mu ubapatizo wa maji. Kweni iyo wakaŵa na makiyi gha nyifwa

na gehena, ndipo Iyo wakatora igho; pamanyuma pa chiwuka Chake, Iyo wakati, “Ine ndiri na makiyi gha nyifwa na gehena.” Petros wakaŵa na makiyi gha ku Ufumu. Satana wakaŵa na makiyi gha nyifwa na gehena; kweni sono Yesu watora igho, Iyo ndi Bwana.

⁸⁹ Apa Iyo wakuyambako. Iyi yikufika ku Isitara; nyengo yikwenda luŵiro chomene. Kweni pali gulu linyake. Kasi Job walinkhu? Kasi walinkhu Abraham? Kasi iwo ŵalinkhu? Kasi ŵalinkhu ŵanthu ŵara awo ŵakagomezga Mazgu gha Chiuta? Kasi Iyo waŵaruwa iwo? Kasi nyifwa yikaŵamara iwo? Kasi ula ukaŵa umaliro wa uwu? Yayi, yayi; Chiuta wakwenera kuti wasunge Mazgu Ghake.

⁹⁰ Ine nkhumanya kumuwona Iyo. Tiyeni tilingizgemo pachoko mu Paradiso, ndipo tilaŵiskeko kudera kula. Ndipo ine nkhuwona Sara na Abraham ŵakwendakwenda mula, ndipo para pajumpha kanyengo [M’bale Branham wakutimba—Munozgi] chinyake pa muryango. Abraham wakuruta ndipo wakajura chijaro, wakati, “Wakutemweka, zanga kuno. Laŵiska uku! Laŵiska uku, yura ndi Yumoza mweneyura wakimilira na ine musi mwa oki dazi lira.” Iyo ndi Chiuta wa Abraham.

⁹¹ Nkhanira nyengo yenyira ine nkhuwona Daniel wakulaŵiska pachanya pa phewa lake, ndipo wakuti, “Ilo ndi Jarawe ilo likasweka kufuma ku phiri, mwakusimikizga waka umo ine ndayimirira pano.”

⁹² Ine nkhumuwona Job wakuyimilira, wakati, “Uyo ndi Muwomboli wane uyo ine nkhayowoya kuti ine nkhamanya kuti wakaŵa wamoyo, ndipo dazi linyake Iyo wazamuyimilira pa charu chapasi. Thupi lane panyake ntha lingazakaŵa vyoto vyakuzura spuni, kweni mu maminiti fifitini kufuma sono ine ndizamkuŵa mu ili kamozaso. Yura Ndiyo.”

⁹³ Ezekiel wakulaŵiska pachanya, ndipo wakati, “Ine nkhuwona Munthu mweneyura ngati Chingerengere pakatikati pa Chingerengere, chikuzingiliranga, muchanya nkhanira mu mlengalenga.” O, mwe!

⁹⁴ Ntheura wakwiza Enoki. Enoki wakati, “Ine nkhamuwona Iyo wakwiza na makhumi gha masauzandi gha ŵatuŵa Ŵake, kuti ŵapereke cheruzgo.”

⁹⁵ Mukaŵa ŵatuŵa ŵa Chipangano Chakale ŵakalindizganga, nadi iwo ŵakalindizganga, pasi pa mphepisko ya ndopa. Iwo ŵakanjira yayi mu Kuŵapo kwa Chiuta, Chiuta wa Kuchanya, chifukwa ndopa za mbuzi na za mberere zikamanya yayi kufumiskapo kwananga.

⁹⁶ Kweni Iyo wakati, “Ŵabale ŵane, Ine ndine Mweneuyo imwe mukughanaghana kuti Ine ndine. Ine ndine Mbewu ya mwanakazi. Ine ndine Mwana wa David. Ine ndine Mwana wa Chiuta. Ine ndine Mweneuyo wakababika na mwali. Ndopa

Zane zaphepiskira ichi. Imwe mukalindizga pasi pa ndopa za mberere na mbuzi, kweni sono Ndopa Zane zikuphepiskira, ndipo ndimwe ŵakumasuka. Tiyeni tirutenge, iyi pafupifupi yikufika ku Isitara.” Ghanaghanani waka, apo pakaŵa waka pafupifupi virimika nayintini handiredi na chakuti vyajumphu, usiku uwu.

⁹⁷ Ine nkhumanya kumupulika Abraham wakuti, “Fumu, para ise tikunjiraso mu thupi lithu; ndipo Sara na ine tikalitemwa waka chomene ili; kasi Imwe mungatizomerezga kuti tiyime pachoko waka, kuŵa ngati, pa msewu Winu?”

⁹⁸ Enya, ine nkhumanya kumupulika Iyo wakuti, “Chifukwa, yayi, yayi nadi. Ine ndikhalenge na ŵasambiri Ŵane pafupifupi kukwana mazuŵa fote. Wakulaŵiska zingirizge ndipo wakuwona umo chirichose chikuwonekera!”

⁹⁹ Pa mlenji ula wa Isitara (apo ise tizamuyambira mlenji, para Fumu yazomerezga) para Iyo wakati wawuka ku ŵakufwa, Baibolo likayowoya, kwakulingana na Mateyu Mutuŵa 27, kuti “Ŵatuŵa ŵanandi awo ŵakagona tulo mu dongo la charu chapasi, ŵakawuka ndipo ŵakafumamo mu madindi.” Kasi wakaŵa njani? Abraham, Isaac, Jacob, Job, iwo ŵeneawo mwa uvumbuzi wauzimu wakuvumbukwa ŵakamanya kuti Muwomboli wazamkuyimirira pa charu chapasi dazi linyake. Ŵara ndiwo, vipambi vyakudankha vya iwo awo ŵakagona tulo. Kula iwo ŵakenda mu msumba. Ine nkhumanya kumuwona Sara na Abraham, ŵanichi, ndipo ŵakazura na . . . ndipo ŵakutowa, ndipo—ndipo ŵakuzura na umoyo, nthu kuzakaŵaso ŵachekuru munthowa yiriyose, nthu kuzakarwaraso munthowa yiriyose, nthu kuzakapulikasano njara, ŵakwenda mu thupi lawo.

¹⁰⁰ Kayafa wayimilira apo, wakuti, “Imwe mukumanya kasi? Pakaŵa chinyake chikachitika dazi linyake, laŵiskani waka kuparanyika uku uko tempile ili lirimo! Kuli . . . Ise tikwenera kuti tisange munyake kuti wasoke katani lira. Laŵiskani ivyo, Bokosi lakuperekerapo sembe lagadaburika. Kasi kukachitikachi? Kasi Munthu yura wakaŵa wakuŵazga malingaliro? Kasi Iyo wakaŵa fwiti? Panji, kasi kukachitikachi? Wakuti! Zanga kuno, Josephus, kasi banja lichoko lira layimilira apo mbanjani?”

Abraham wakati, “Sara, ise ŵatimanya. Ise ntchiweme tifumepo.”

¹⁰¹ “Ŵakawonekera ku ŵanandi!” Icho chikamalira apa yayi. Mu kujara, wonani. Dazi limoza para Iyo wakati . . . iwo ŵakaruta kukachezga; Abraham, Isaac, Jacob, na iwo wose ŵakaruta kukachezga mu charu chawo. Para Yesu wakati wakwera kuchanya . . .

¹⁰² Imwe mukuti, “M’bale Branham, kasi icho ndi ntchezgo?” Yayi, bwana! Ine ndimuwoneskenenge imwe mu Malemba, mu miniti pera.

103 Para Iyo wakati wayamba kukwera kuchanya, iwo wâkawona Iyo pera, kweni watuwa wa mu Chipangano Chakale wakaruta Nayo, pakuti Baibolo likayowoya kuti “Iyo wakarongozga umikoli uzga, ndipo wakapereka vyawanangwa ku wanthu.” Ndipo ine nkhumanya kumuwona Iyo apo Iyo wakukwera kuchanya, ndipo wakujoyinana na mpingo Wake.

104 Wangelo wawiri kufuma pa gulu awo wakayimba sumu, wakiza kumanyuma kula, ndipo wakati, “Imwe madoda gha ku Galileya, ntchifukwa uli imwe mwayimilira mukulaŵiska kuchanya? Pakuti Yesu mweneuyu, uyo wakatorekera kuchanya, wizamkwizaso.” Nadi! Iwo wakafulumira kuzakajoyina gulu.

105 Ndipo ulendo kujumpha mitambo Yesu na watuwa wa mu Chipangano Chakale wakaruta. Iwo wakajumpha mwezi, iwo wakajumpha zuwa, iwo wakajumpha nyenyezi. Ndipo para iwo wakati wawona ghakuru ghara, Machanya ghatuwa ghakutowa, watuwa wa mu Chipangano Chakale wakachemerezga, nkhuwerezgapo Lemba, “Jurikani, imwe vipata vyamuyaya, ndipo mujurike! Jurikani, imwe vipata vyamuyaya, ndipo imwe mujurike! Ndipo zomerezgani Fumu ya Uchindami yinjire!”

106 Wangelo wose wakawungana pachanya pa ndembera za Kuchanya, ndipo wakati, “Kasi ndinjani Fumu iyi ya Uchindami?”

107 Watuwa wa Chipangano Chakale wakati, “Yehova wa mipingo, wankhongono mu nkondo! Iyo wakaŵa Chatonda!”

108 Mungelo wakadina batani likuru, ndipo vipata vya ngale vikajurika.

109 Nkhanira kukhira mu Msumba wa Yerusalemu kukwiza Chatonda Wankhongono, wakwiza na watuwa wa Chipangano Chakale. Magulu gha Ungelo a-ghakwimba, apo Wangelo a-wakuchemerezga. Iyo wakaŵa Chatonda Wankhongono! Iyo wakaŵa na makiyi gha nyifwa na gehena kulenderanga kulwandi Kwake, kurutanga nkhanira kusika a-wakajumpha nyumba zaufumu za Uchindami mpaka Iyo wakafika ku Chizumbe. Ndipo Iyo wakati, “Wadada, aŵa wali apa. Iwo wakagomezga, mu chipulikano pa Mazgu Ghinu, kuti ine nizamkwiza dazi linyake. Ine natonda vyose nyifwa na gehena.” Kasi chikaŵa chivichi, m'bale? Iyo wakaŵa na mabamba mu woko Lake, kuwoneska kuti Iyo wakaŵa ku nkondo. Uchindami kwa Chiuta Kuchanya nkhanira! Iyo ndi Chatonda yura Wankhongono! “Aŵa wali apa, Wadada; Abraham, Isaac, na Jacob.”

110 Ine nkhumanya kumupulika Iyo wakuti, “Wamwana, kwerera kuno kufupi na Ine, ndipo khala pasi mpaka Ine ndipange murwani waliyose chitambaliro Chako.” M'bale, dazi linyake Iyo wazamkwizaso, ndipo kasi lizamkuwa dazi uli!

111 Iyo wakakhala chete yayi para Iyo wakaŵa mu dindi. Ise tikughanaghana kuti Iyo wakaŵa waka chigonere mwenemula, wakufwa. Kweni Iyo wakaŵa pasi kutondanga ndithu, Iyo wakaruta ndipo wakapoka makiyi kufuma kwa Satana, Iyo wali na makiyi ghoſe gha nyifwa na gehena, usiku uwu. Iyo wakati, “Pakuti Ine ndiri wamoyo, imwe muŵenge wamoyo, namweso.”

112 Ine nkhumanya yayi usiku uwu, m’bale wane wakutemweka, mlongosi, kasi iwe waghanaghanapo icho mwakufikapo? Kasi iwe ukumanya kuti iwe ndiwe wamoyo chifukwa Iyo ngwamoyo? Kasi iwe wawonga ichi mwakukwanira kuti ujiperekenge wamwene, na kuti, “Chiuta, ine ndiri pano, wakwananga, mundilengere lusungu ine”? Kasi iwe uli kuyizomera Sembe yira yakukwanira-vyose? Kasi iwe uli kumuphalirapo Iyo kuti iwe ukamutemwa Iyo? Kasi ichi chikupweteka malingaliro ghako para iwe ukuchita kwananga? Usange iwe undafike ku chakukuchitikira chira sono, mu kuwika mu dindi uku! Apo, nyengo yithu yikumara. Nkhupulika waka makora! Kweni, ine nkhezizwa, usange iwe undamupokere Khristu ngati Muponoski wako wamwene, ine nkhumanya yayi usange iwe ungachita ichi apo ise tikusindamiska mitu yithu kanyengo waka mu lizgu la lurombo.

113 Yimba yira, *Mkatikati mwa Malibwe Ghakusweka*, usange iwe ungachita, Mlongosi Gertie, usange iwe uli nayo iyi. Viri makora, yiriyose yiŵenge yiweme.

114 Na mitu yinu yakusindama, ine ndimufumbeninge fumbo leneko lakufikapo. Kumbukirani ŵabwezi, wakwananga panji mutuŵa, iwe ukumara yayi para ise takusunga iwe. Uzima wako uli kumalo kunyake. Sono, Yesu wakarutako ku malo ghoſe ghaŵiri, kwakulingana na Malemba. Kasi Iyo wangakusanga nkhu usange iwe ungaruta usiku uwu? Kasi muryango wa lusungu ujarikenge iwe ukuwona, chifukwa chakuti iwe wakana? Kumbukira, Iyo ntha ndi Muponoski pera, Iyo ndi Mweruzgi. Iwe ndiwe mweruzgi sono, kasi iwe ukumuyeruzga uli Iyo? Reka Iyo waŵe Muponoski wako sono.

115 Nkhani yichoko yikwiza ku malingaliro ghane. Nyengo yinyake kale mnyamata muchoko wakakhala mu a—ngolo. Futi yikalira ku msewu, ndipo ŵakavalo ŵakachimbira, iyo wakarutanga ku chigidibu. Mnyamata mwanichi wa ng’ombe wakachimbira ndipo wakayimiska ŵakavalo pambere ngolo yikaŵa yindafike ku chigidibu, chifukwa iyi yikaŵa na bonda mkati. Iyo wakaponoska umoyo wa bonda.

116 Virimika vinandi pamanyuma pa icho, chiyimirire mu nyumba ya cheruzgo. Mnyamata mweneuyu wakapalamura mlandu, wakatora msewu uwo ukaŵa wake yayi, wakasangika kuti wakananga. Iyo wakamwanga, wakatchayanga njuga, wakalasa munthu; ndipo wakaŵa wakususkika, wakasangika na mlandu. Ndipo mweruzgi wakayimilira ndipo wakati, “Ine

nkhukugamura iwe kuti ukakike ku singo lako mpaka umoyo wako wachivundi umare.”

117 Mnyamata mwanichi yura wakati, “Mweruzgi!” Ndipo iyo wakatimbanizga gulu la bwalo, apo iyo wakaduka kuwenuka chisulo ndipo wakawa pa marundi gha mweruzgi, kupempha lusungu. Iyo wakati, “Mweruzgi, laŵiskani ku maso kwane! Kasi imwe mwandimanya yayi ine?”

Iyo wakati, “Yayi, wamwana, ine nakumanya yayi.”

118 Iyo wakati, “Imwe mukukumbukira umoyo wa mnyamata munyake muchoko uyo imwe mukaponoska, virimika vinandi vyajumphu, ku kavalo uyo wakachimbiranga?”

Iyo wakati, “Enya, ine nkhukumbuka ichi.”

119 Iyo wakati, “Ine ndine mnyamata yura.” Iyo wakati, “Mweruzgi, imwe mukandiponoska ine nyengo yira. Ndiponoskeni ine sono!”

120 Mweruzgi wakamulaŵiska iyo, ndipo wakati, “Wamwana, dazi lira ine nkhaŵa muponoski wako. Muhanyauno ine ndine mweruzgi wako.”

121 Muhanyauno Iyo ndi Muponoski wako, wakwananga, machero Iyo panyake wangazakaŵa Mweruzgi wako. Tiyeni tighanaghanepo ichi sono, apo sumu yikwimbika. Ndipo waliyose wakupemphera, iwo weneawo ŵali pa malo ghakupemphera na Chiuta.

122 Ine nkhumanya yayi usiku uwu sono, mwaluŵiro, iwo weneawo ŵakukhumba kuti ŵamuzomere Khristu ngati Muponoski wawo ŵekha, yowoyani, “Chiuta, mundilengere lusungu ine, wakwananga. Ine nkhukhumba kuti nifike kwizira mu nthowa ya Ndopa zakuthiskika. Ine ndavuka kujoyinanga mipingo na kuchimbiranga kufuma malo kuruta ku malo. Ine nkhukhumba kuti ndibabikeso. Ine nkhukhumba chakundichitikira mu mtima wane kuti ine nimanye kuti Khristu wajivumbura Iyomwene kwa ine, mwa uvumbuzi wauzimu uwo iwe wayowoya waka, M’bale Branham. Ine nkhukhumba uvumbuzi wauzimu, Mzimu Mutuŵa mu mtima wane, undipange ine wamoyo, umupange Khristu wanadinadi kwa ine kuruska icho ine ndiri kwa ndamwene. Ine nkchukhumba chakundichitikira icho, M’bale Branham. Uli iwe undirombere ine apo ine nkhukwezga woko lane?” Uli iwe ukwezge woko lako sono, iwe ukukhumba kuti ukumbukirike. Chiuta wakatumbike iwe, dona. Chiuta wakatumbike iwe kumanyuma uko, dona. Icho ntchiweme. Chiuta wakatumbike iwe, bwana. Icho ntchiweme. Kwezga mawoko ghako, sono rutirira na woko lako muchanya.

123 Kasi iwe uchitirengechi soni? Kasi iwe ungachikana chantheura ngati Icho, mubwezi? Kumbukira.

124 “O,” iwe ukuti, “M’bale Branham, ŵapharazgi ŵali kupharazga pa virimika.” Ine nkhumanya, kweni limoza la

mazuŵa agha iwo ŵazamureka kupharazga. Ndipo umu vinthu vikuwonekera, ichi panyake chingaŵako nkhanira sono. Iwe uzamkupulika upharazgi wako waumaliro. Mu unenesko, uwu panyake ungaŵa wako waumaliro.

¹²⁵ “O,” iwe ukuti, “Ine ndine mwanichi.” Icho chirije kanthu. Nyifwa yikuchindika munthu yayi, panji msinkhu panji kumanya.

¹²⁶ Uli iwe sono umuzomere Iyo ngati Muponoski wako wamwene, pa kuchita kukwezga woko lako, kuti, “Chiuta, mundilengere lusungu ine?” Kwezga mawoko ghako pamoza na ŵanyake wose aŵa, ndipo yowoya, “Sono ine nkikhumba kuti ndimuzomere Khristu.” Uli iwe ukwezga woko lako?

¹²⁷ Muniyake uyo wawereranyuma, yowoya, “Chiuta, mundilengere lusungu ine. Ine nkikhumba kuti ndiwerere kwa Khristu usiku uwu, kuti machero panyake chingaŵa chiwuka, chiphya, cha ine.” Uli iwe ukwezga mawoko ghako? Kwezga muchanya woko lako, yowoya, “Mundilengere lusungu ine. Ine nkikhumba kuti ndifike sono.” Uli iwe uchite ichi? Kwezga muchanya woko lako, yowoya, “Ine ndiri kuŵa chiwereranyuma, kweni usiku uwu. . .” Chiuta wakitumbike iwe, dona. Chiuta wakitumbike iwe. Icho ntchiweme. “Ine ndimuzomere Khristu ngati Muponoski wane ndamwene. Ine ndimuzomere Iyo usiku uwu. Ine ndiri kuyingayinga, virimika vinandi kutali na Chiuta, kweni sono ine nkhwiza kunyumba.” Uli iwe umuzomere Iyo usiku uwu, kuti ichi panyake chingaŵa chiwuka chiphya cha iwe, umoyo wako wakale panyake ungamara?

¹²⁸ Dona uyu wakwiza ku guwa, kuti wayowoye kurapa kwake, kuti wayimilire. Munthu munyakeso wakukhumba kuti watore malo ghawo apa, zanga kuno na iyo, pa kurapa kwawo? Kasi imwe mungayimirira, na kwiza ku guwa, namweso? Guwa liri mwazi. Nadi. Zaninga nkhanira kuno, sono nthena. Usange imwe mukukhumba kuyimilira apa na kuromba, ichi chiŵenge waka makora. Zaninga. Kasi imwe mufikenge? Pa kuzomerezga kwa chipulikano chako, pa chigomezgo chako mu Mwana wa Chiuta, kasi iwe sono wizenge? Viri makora.


¹²⁹ Ichi chiri kwa iwe, iwe kumbukira. Iwe ndiwe mweneyura. Kasi ndiwe wakwananga? Kasi ndiwe chiwereranyuma? Kasi ndiwe wakuzizima ndipo uli kutali na Khristu? Ndipo iwe ukukhumba kuwuskika muphya pamoza na Iyo, kwamba umoyo uphya? Ukuti uli iwe, mfumu na muwoli imwe mwakhala ku—kusuzgana kwa nyengo yitali, kukangananga mu nyumba yinu? Mwizenge yayi imwe na kunyoroska chinthu icho na Chiuta na yumoza na muniyake sono? Pangani Isitara kuŵa Isitara yeneko kwa imwe, yambani nyumba yipha.

¹³⁰ Mukuti uli imwe mwaŵeneimwe ntha muli kuŵapo, mundaŵepo na lurombo mu nyumba yinu, imwe mukuruta waka kunyumba kufuma ku tchalitchi ndipo mukuyezga

kukhala umoyo uweme chomene imwe mungachita, ntha mukuwunganiska banja pamoza na kuromba? Ndicho chifukwa ise tiri na kusuzga kwa wana na vinthu ivyo tiri navyo. Ndicho chifukwa nyumba za ku America ndi zakuphwasuka. Mwizenge yayi imwe, muyambeso makora usiku uwu? Kasi imwe muchitenge ichi? Imwe mukuchemeka. Kumbukirani, ine ndine mupharazgi winu sono; ine ndizamkuwa kaboni pa dazi lira.

Apo ise tiri na mitu yithu yakusindama, ntheura, sono kuti tirombe.

¹³¹ Wadada withu Wakutumbikika Wakuchanya, usiku uwu ise tikwiza kwa Imwe na gulu ili, mu nthowa yakupatulika chomene yakufikapo umo ise tikumanya kuchitira. ise mwakujikhizga tikwiza ku Chizumbe Chinu. Ndipo para Uthenga wamara usiku uwu, wakuti, kuwikika mu dindi, Iyo ntha wakakhala chete, uzima Wake ukarutirira ukanjira mu madera ndipo ukamalizga mlimo wa Chiuta, uwo Iyo wakakhozgeka kuti wachite. Ndipo machero usiku, ise tikuwona uko Iyo wakajumphu madera ghakuchanya, kugonjeskanga chirichose, mu chiwuka Chake. Kweni Iyo wakufumamo pa mlenji wa Isitara kuwa kurunjiskika kwithu. Ndipo ise tikusanga kuti Iyo wakatuma Mzimu Mutuwa, kuti wayayimbe mlandu wanthu chifukwa cha kwananga.

¹³² Ndipo ise tikuromba usiku uwu, Fumu, kuti iwo weneawo wangukwezga mawoko ghawo wangamanya kukumbukirika panthazi Pinu. Mphanyi chigamuro chawo chifume mu mtima wawo usiku uwu, kuti iwo wamupokererani Imwe, na kumugomezgani Imwe, ndipo mphanyi iwo wangudidimizgika na Chididimizgo cha phangano usiku uwu, Mzimu Mutuwa. Perekani ichi, Wadada. Pakuti, ise tikuwapereka iwo kwa Imwe, na Uthenga uwu usiku uwu. Nkhuromba Uwu uwatumbike iwo weneawo wawupulika Uwu, wara, Fumu, awo wautorenge Uwu pamoza na iwo kuruta ku nyumba zawo, na kunjizga Uwu mwakuzama mu mitima yawo. Nkhuromba iwo wakhalire umoyo pa Mazgu gha Chiuta. Perekani ichi, Wadada, pakuti ise tikuromba ichi mu Zina la Khristu. Amen. 

KUŴIKIKA MU DINDI CTK57-0420
(The Entombment)

MNDANDANDA WA CHISISIMUSO CHA ISITARA

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Chisulo kumise, Epuleru 20, 1957, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeke kwambura kusinthika mu Chingerezi. Kutanthauzira uku kwa Chitumbuka kukalembeke na kugawika na Voice Of God Recordings.

CHITUMBUKA

©2023 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.

www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org